

## Seene-suvi

Kagoh õks naid veere veerüsit,  
üle kolga korgit –  
2325 kar´a- naate õks jäl –poissa kaemahe,  
or´alatse ots´mahe.  
Sada sais´ õks kõõ hobõst saina küleh,  
tuhat ratsot tulba veereh,  
2330 kõik õks naa<sup>q</sup> täku<sup>q</sup> tännitivä<sup>q</sup>,  
kalle ratso<sup>q</sup> kaabatõlli<sup>q</sup>.  
Olõ- õks kõik –katusõ<sup>q</sup> kahisi<sup>q</sup>,  
ruu-saina<sup>q</sup> rabisiva<sup>q</sup>  
suurõ õks hiiro hirnakist,  
paadi jalapanõkist.  
2335 Tarõ olli õks säääl täüs tarko mihi,  
rihetarõ rikkit poissa –  
kõik õks ka tahtõ<sup>q</sup> hüvvä last,  
ausat poissi ahnitsiva<sup>q</sup>,  
Ale oll´ õks et oigõ usuga,  
2340 piso pehme viiega.  
Usu-õks-list otsitas,  
viielist viidas.  
Ale istõ õks sis maalõ ikmahe,  
jäi kurva kull´a poiss.  
2345 Kuts´ õks sis kull´a maamakõist,  
hõigas´ hellä imekeist:  
“No tiia-i õks mul kuige tetä<sup>q</sup>,  
umal kuige olla<sup>q</sup>!  
Ime-õks-sa-kene, esäkene,  
2350 kats latsõkasvatajat,  
minnä taha-i õks imp mino meelekene,  
süä oido<sup>q</sup> or´alises!  
Õga taha-i õks imp süä hüvvi süüke,  
meeli maitsa<sup>q</sup> makõt liimt –  
2355 innep koori õks ma kotoh kuruslakko,  
süü siin sibulit!  
Ar olõ õks ma nännõ nuu<sup>q</sup> päävä<sup>q</sup>,  
osi, söönü or´aleevä –  
innep kaku õks ma ese kannukõisi,  
2360 kiso tätä kivikeise,  
hüvvä saasõ õks kui kandso kannu alt,  
kinnä leibä kivi alt.”  
Kauplõja<sup>q</sup> õks sis jäivä<sup>q</sup> kahtlatsõst,  
Ale viijä<sup>q</sup> vihasiva<sup>q</sup>.  
2365 Tõõnõ- õks nää<sup>q</sup> –tõõsõlõ kõnõli<sup>q</sup>,  
tõõnõtõõsõlt küüsütelli<sup>q</sup>:  
“Tarka jovva-i õks imp viiä<sup>q</sup> s´oost tarõst,  
ausat Alet mi arvada –  
õga ihka-i õks imp Ale Eesti rahha,  
2370 olõ-i maias marko pääle!”  
Õga- läts õks nää<sup>q</sup> –üts umma paika,  
targa<sup>q</sup> mehe<sup>q</sup> Ale tarõst  
Kui tull´ õks taa suur suvõkõnõ,  
kinä päiv keväjäne,  
2375 kui tandsõ õks sis tati-aokõnõ,  
naksi<sup>q</sup> seene<sup>q</sup> sibisemmä,

Ale õks sis imele üteli,  
maamalõ manitsõlli:  
2380 “No kua õks ma tatikorvikõsõ,  
mähi seenemärsikese!”  
Ale oll´ õks sis tark, tundsõ mõtsa,  
rutto juusk´ juurtõ perrä,  
tõi õks sis kodo juurõkerä,  
juurõvahru<sup>q</sup> vanijallõ.  
2385 Ale mähke õks vakka, lask´ valli,  
kudi korve, lask´ kummu.  
Ime õks jal esega kõnõli<sup>q</sup>,  
maama tätäga manidsi<sup>q</sup>:  
“Kohe lätt õks meil kull´a pujakõnõ,  
2390 mi armas Alekõnõ?  
Vaesil olõ-i meil umma varikot,  
kah´oliisil kallist mõtsa,  
koh õks taa kasus kanarik,  
sais tatisamblakõnõ –  
2395 suurõ<sup>q</sup> mõime õks mi puu<sup>q</sup> puuda pääle,  
liidi palgi<sup>q</sup> leevä pääle.”  
Ale õks kuuld´, vasta kostõ,  
tahtõ targastõ kõnõlda<sup>q</sup>:  
“Ooda<sup>q</sup> õks sa, ime, hummogot,  
2400 pääs´o päävä nõsõngot!”  
Ale tekk´ õks kõõ varra valmest,  
inne ako ehitelli.  
Minga olõ-s õks täl jalgo kinni panda,  
jalatallo taatõlla:  
2405 panda taha-s õks tä koolikotakõise,  
kallit klassi-kaputit.  
Seeni õks jo Ale mõtsah oll´,  
oll´ poiss puhmu all,  
külä- olli<sup>q</sup> õks vil –vele küle pääl,  
2410 rikka<sup>q</sup> pois<sup>q</sup> ringutõlli<sup>q</sup>,  
seeni oll´ õks jo korv täl kuh´aga,  
mitu puuta porovikko.  
Seeni nõst´ õks jo kodo, eis´ nõdsoh,  
tubli korv tur´a pääl.  
2415 Vasta tull´ õks jo kümme külävelja,  
nelli-viis näiokõist.  
Kõik haari<sup>q</sup> õks nää<sup>q</sup> Alelt küüsütellä,  
küüsütellä, nõvvatõlla:  
“Kost õks sa tõit, ausa Ale,  
2420 kullus koolipoisikõnõ?  
Kas tohtsõt õks sa tuvva<sup>q</sup> muidõ mõtsast,  
kor´ada külä kunnust?”  
Ale õks naari, esi üteli,  
vikur vell´o veerätelli:  
2425 “Õga õks ti lövvä-i mino jälge,  
tunnõ-i kundsa kotusit!”  
Ale õks sis, vikur, veerätelli,  
kavval poiss kadsat´ vasta:  
“Ma korsse õks küll palja palo päält,  
2430 võti musta mulla päält.”

Kiäke saa-s õks arvo timä jutust,  
arvo Ale aavetsist.  
Ale vei õks sis kodo ime kätte,  
kand´ majja maamalõ.  
2435 Ale õks sis ime naaraskõlli,  
muudsa maama muhaskõlli.  
Ime sis naari, esi ütél´,  
and´ avvo Alelõ:  
“Kost töidõ<sup>q</sup> õks no, kull´a pujakõnõ,  
2440 kannit, kallis latsõkõnõ?  
Siist saasõ õks no varra vaesõllõ,  
kullalõ kooliraha.”  
Ime pand´ õks sis aho küttümma,  
rutto turba<sup>q</sup> tossumma.  
2445 Alekõnõ õks jal joostõh mõtsa läts,  
karõldõh laandõ kaldo.  
Poisikõnõ õks sis istõ puhmu ala,  
kai kadaja all,  
kuna õks ar muu<sup>q</sup> kodo lätsi<sup>q</sup>,  
2450 tatilisõ<sup>q</sup> tarõ poolõ.  
Muidõ õks kõik korvi<sup>q</sup> kolisiva<sup>q</sup>,  
muidõ vaka<sup>q</sup> vabisiva<sup>q</sup>.  
Ale jäi õks muidõ hot´ jälile,  
astõ töistõ asõmõllõ -  
2455 olli õks tuu Ale loonatar,  
loonatar, veere vikur,  
mõitsõ õks tä kävvõ<sup>q</sup> käpikõlla,  
mõistsõ otse<sup>q</sup> upikõlla –  
kaabat´ õks tä vällä kanarikust,  
2460 sallõ sambla veere alt.  
Kalle<sup>q</sup> kasve<sup>q</sup> õks kõik tati<sup>q</sup> kanarikuh,  
saiapoolõ<sup>q</sup> samblo all,  
Ale kaabat´ õks vällä kui kaaledsa<sup>q</sup>,  
puru seest puhta<sup>q</sup> seene<sup>q</sup>.  
2465 Ale oll´ õks kõõ kuri korjamma,  
tikõ paiko tiidmähe.  
Ale õks jal kulla kodo tull´,  
ilotõh ime mano.  
Ime jovva-s õks kotoh joht kuivada,  
2470 armas maama ahjo panda.  
Alel olli<sup>q</sup> õks kõik kuuma<sup>q</sup> jalakundsa<sup>q</sup>,  
jalatalla<sup>q</sup> tahmatõdu<sup>q</sup>,  
kõik olli<sup>q</sup> õks ar nõglola tsusido<sup>q</sup>,  
varbavaehtõ<sup>q</sup> vally näivä<sup>q</sup>.  
2475 Imekene õks sis tuhal tossutõlli,  
lipõ-leemel leotõlli.  
Esi õks tä lausi meelestäni,  
uma meele poolõstani:  
“A,,gu saasõ õks sul hädä häälmelle,  
2480 viga vihalehesselle?”

Ale, läät õks sis kuule kupõr-kapõr,  
nakat kepil kiirdmähe,  
sis saasõ õks sul kepp kinä hopõn,  
nui nopõ ruunakõnõ!“  
2485 Lipõ võtt´ õks ar kuuma jalakundsõst,  
valu varba vaihõlt –  
jälke sai õks tä lipõl liinamiis,  
tuhaleemel turupoiss.  
Ale õks sis lausi meelestäni,  
2490 uma meele poolõstani:  
“Küll kannä õks ma mõtsast kallist rahha,  
puhmu alt puhast rahha.  
Selle õks ma lää-s külä karja,  
oiu-s muidõ or´alitsõst.”  
2495 Ale õks tiidse tati aigo,  
poiss seene sirgnõmist:  
Ale õks sis kor´as´ mitu puuta,  
sai sada naglakõist.  
Vei õks sis müügist müürü pääle,  
2500 kaubast kaalulavva pääle.  
Ale sai sis pall´o paprit,  
ilosat Eesti raha.  
Sis ost´ õks tä sälgä sinisärgi,  
maani massanõolitsõ,  
2505 Ale tõi õks sis koste imele,  
kallist saia kandjallõ:  
imele vei õks tä hoolõ pidämäst,  
arma aho kütmäst.  
Külä-õks-tä-kooli lõpõtõlli,  
2510 valla klassi kallutõlli.  
Tälle sai õks sis tukõv tunnistus,  
kõkõ muudsap moodopapõr.  
Ale tull´ õks sis kodo, torrõ miis,  
ime mano illos poiss.  
2515 Tunnistuist õks tä näüdäs tuhandõllõ,  
nobõhit numrit.  
Esi õks tä lugi, esi ütél´,  
kallehe kadsatõlli:  
“No tiia-i õks mul kuige tetä<sup>q</sup>,  
2520 vell´ol kuige veerätellä<sup>q</sup> –  
kooli- käsi õks mul –herr kuule minnä<sup>q</sup>,  
suurdõ klasse kalduda!  
No tulõ-i mul uni maatõh,  
suiko suuri mõtõldõh.  
2525 Imekene õks helläkene,  
pääle tähe tätäkene,  
suur tulõ õks kulu mi kodolõ,  
rahamasso mi majalõ,  
sis läävä<sup>q</sup> õks teil rukka ruu-huunõ<sup>q</sup>,  
2530 saina<sup>q</sup> otsane satasõ<sup>q</sup>!”